

Naalakkersuisut siulittaasuat

Landsstyreformanden



Inatsisartut inatsisit atortinneqarnerannut ataatsimiititaliaat
c/o Inatsisartut allattoqarfiat
Maani

UPA 2008/130 Kalaallit Nunaanni namminersornerup eqqunneqarnissaa pillugu siunnerfiliisumik innuttaasunik taasisitsinissamik Inatsisartut inatsisissaattut siunnersuut.

Kalaallit Nunaanni namminersornerup eqqunneqarnissaa pillugu siunnerfiliisumik innuttaasunik taasisitsinissamik siunnersuummi siunnersuutigineqarpoq taasisutigineqassasoq apeqqut:

Nunatsinni Namminersorneq atuutilissasoq kissaatigaajuk?

Taasisitsinermi taasisutigineqartumi taamaalilluni Namminersorneq pillugu kalaallit danskillu isumalioqatigiissitaasa Kalaallit Nunaanni namminersorneq pillugu inatsisissatut siunnersuutaat taasisutigineqartussaangilaq.

Namminersorneq pillugu isumalioqatigiissitap isumaliutissiisummik Statsministerimut Naalakkersuisullu siulittaasuannut tunniussinermigut suliassani naammassivaa.

Isumaliutissiisummi saqqummiunneqartut suliarineqarnerisa ingerlaqqinnissaat aallaqqaammut danskit naalakkersuisuisa nunatsinnilu naalakkersuisut suliamut tunngasumik isumaqatigiinniarnersigut aallartinneqassaaq. Statsministerip Naalakkersuisullu siulittaasuata isumaqatigiissutigereerpaat aasaanerani sulinnigiffeqarnissaq sioqqullugu suliamut tunngasumik ataatsimiinnissaq ingerlanni- arneqassasoq.

Danskit naalakkersuisuisa nunatsinnilu naalakkersuisut akornanni suliamut tunngatillugu isumaqatigiittoqarpat, taava danskit naalakkersuisuisa suliassarissa- vaat inatsisissatut siunnersuummik Namminersornerullutik Oqartussanut nassitsis- salluni namminersornerunermut inatsimmi § 12, imm. 1 naapertorlugu oqaaseqarfi- gisassanngorlugu saqqummiussisoqarnissaa. Aalajangersagaq taanna imatut oqaasertaqarpoq:

"§ 12. Inatsisissatut siunnersuutit, Kalaallit Nunaannut taamaallaat tunngasumik imaqartut Namminersornerullutik Oqartussanut oqaaseqarfigitinneqassapput, fol- ketingimi saqqummiunneqartinnatik."

9. maj 2008
Sags nr.
2008-008245
Dok. nr. 58236
Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Naalakkersuisut, danskit naalakkersuisuinit inatsisissatut siunnersuut isumaqatigi-issutigineqartoq oqaaseqarfigisassanngorlugu tigugunikku siunnersuut Inatsisartunut saqqummiutissavaat.

Inatsisissatut siunnersuutit Inatsisartunut saqqummiunneqarneri aalajangiiffigissasatut siunnersuutit suliarineqassapput, taamaalilluni Inatsisartut Namminersorerullutik Oqartussat danskit naalakkersuisuinit suliap folketingimut saqqummiunneqannginnerani oqaaseqaatigumasaat isummerfigissammassuk.

Danskit naalakkersuisui aamma naalakkersuisut tunngaviatigut isumalioqatigiissitap Kalaallit Nunaanni namminersorneq pillugu inatsisissatut siunnersuutaannut pitunneqarsimangillat.

Statsministerip inatsisissatut siunnersuutit folketingimi saqqummiunneqartussat akisussaaffigai, soorluttaaq Naalakkersuisut siulittaasuata siunnersuutit Inatsisartunut saqqummiunneqartussat akisussaaffigai.

Namminersorneq pillugu isumalioqatigiissitap inatsisissatut siunnersuutit suliarimasaat eqqarsaatigalugit, taava Landstingimi folketingimilu siunnersuutit suliarineqarneranni allannguisoqarsinnaavoq.

Taamaasilluni soorluli inatsisissatut siunnersuutit allat isumalioqatigiissitanit suliarineqartut suliarineqartarnerattut inatsisissatut siunnersuutini allannguinissaq pisariaqalersinnaavoq, siunnersuutit namminersorneq pillugu isumalioqatigiissitap suliarimasaat eqqarsaatigalugit. Tassami pissutsinik takkuttoqarsinnaavoq ullumikkut siumut eqqoriarneqareersinnaanngitsunik, taamalu allannguinissaq pisariaqalerluni.

Danskit naalakkersuisuisa inatsisissatut siunnersuutinut Namminersorerullutik Oqartussat oqaaseqaataat tigoreerunikkit, taava taakkua folketingimut saqqummiussinnaavaat. Taavalu folketingip inaarutaasumik siunnersuutit isummerfigissavai, aamma imarisassai ersarinnerusut eqqarsaatigalugit.

Taamaattumillu siuliani saqqummiunneqartut aqutigalugit erseqqissarniarneqarpoq Naalakkersuisut innuttaasunik siunnerfiliisumik taasisitsinissamut inatsisissatut siunnersuutaannut oqaaseqaatini pineqartut mattutinngikkaat inatsisissatut siunnersuutaajumaartup Inatsisartunut aamma folketingimut saqqummiunneqartussap maanna namminersorneq pillugu isumalioqatigiissitap siunnersuutaaniit allaassuteqarsinnaanera.

Tunngaviatigullu imaappoq; Inatsisartut siunnersuutaasunut saqqummiunneqartunut pitunneqarsimangitsut, aalajangersinnaallutilli siunnersuutaasut allanngortinneqarnissaat pillugu.

Taamaattumik aamma erseqqissaatit maani saqqummiunneqartut imaangilaq isigineqassasut Naalakkersuit pilersaaruteqareersut kissaateqarlutilluunniit inatsisissatut siunnersuutaasussanut allannguiteqartitsinissaminnik, isumalioqatigiis-

sitap siunnersuutaanut sanilliullugu, taamaallaalli killiliussat suliap ingerlaqqinnissaani atuutut erseqqissarniarneqarlutik.

Naalackersuisut taamaasillutik matumuuna Inatsisartut inatsisinik atortitsinermut ataatsimiititaliaanut saaffiginnissuteqarnermikkut erseqqissarniarpaat Inatsisartut inatsisissannut siunnersuummut nassuiaatini erseqqissarneqarsinnaammat Kalaallit Nunaanni namminersorneq pillugu siunnerfiliisumik innuttaasunik taasisitsinissamut Inatsisartut inatsisinik atortitsinermut ataatsimiititaliaata isumaliutissiissuteqarnermini tunngavissaqarnissaa siunnerfigalugu, taamalu tunngaviusut Inatsisartut siunnersuummik suliaqarnissaanni ilaatinneqarsinnaallutik.

Namminersorneq pillugu paasisitsiniaanissami ingerlanneqartussami aamma periaaseq uani pineqartoq ilisimaneqartussatut ilaatinneqassaaq.

Inussiarnersumik inuulluaqqusillunga

Hans Enoksen